

քաց , որպէս ունիմք ասեւ 'ի կարգին :

Ի պաշարման քաղաքին երուսաղէմի գտաւ անդ և մեծ հայրապետն Հայոց Գրիգոր վկայատէր , զի կրկին անգամ եկեալ էր անդ վասն ուխտի . զի թէպէտ և վտանգեցաւ յոյժ , զի այլազգիք 'ի խնդիր էին բերել 'ի ձեռս և սպանանել զնա , այլ խնամօքն Աստուծոյ զերծաւ անտի անվնաս և դարձ արար ուրախութեամբ 'ի տեղի իւր :

Գ Լ Ո Ւ Խ Ժ Ը .

Մահ Կոնգոպրեայ : Բաղավլն . Ա : Կրօնամուլութիւն Լատինաց . Մահ զատիկ : Արշաւանք Բաղավլնի և մահ նորա : Բաղավլն . Բ . Գործ և մահ նորին : Բաղավլն . Գ : Տէր Գրիգոր :

ՅԵՏ տիրելոյ քրիստոնէից քաղաքին սրբոյ՝ զօրաժողով լեալ Սալիֆայն Եգիպտոսի յամենայն ազգաց , դիմեաց սաստկութեամբ եւ մեծաւ ցասմամբ 'ի սահմանս Հրէաստանի . եդեալ 'ի մօտ թափել վերստին 'ի ձեռաց Լատինաց զերուսաղէմ՝ իւրովք գաւառօք իրբեւ զսեփհական ժառանգութիւն իւր : Իրբեւ լու եղեւ յականջս Կոնգոպրեայ առաջին թագաւորին երուսաղէմի արշաւանք Եգիպտացւոց՝ աճապարեալ եւ ընդ առաջ նոցա բազմութեամբ Սաչակիր զօրաց . թէպէտ և զանգիտէր Կոնգոպրէ հայեցեալ 'ի ասկաւութիւն զօրաց իւրոց՝ ընդգէմ այնչափ բազմութեան թշնամեացն , այլ 'ի ճակատիլ սոցա յեզր Միջերկրական ծովուն՝ դիմեցին զայրադին 'ի վերայ այլազգեաց , եւ կոտորեալ զբազումս 'ի նոցանէ՝ արկին տապաստ զդիակունս նոցա , եւ զխախտեայս Կորուսին ծովամոյն , և կանգնեալ զմեծ յաղթանակն զայն , ժողովեցին աւար բազում եւ դարձան ուրախութեամբ յերուսաղէմ :

Իսկ յամին երկրորդի դնաց Կոնգոպրէ 'ի Կեսարիա Պաղեստինացւոց , եւ այլազգի իշխանք քաղաքին նենգութեամբ ելին ընդ առաջ նորա եւ ընկալան զնա սիրով և խաղաղութեամբ , եւ արարին նմա ընթրիս , որոց խառ-